

<https://news.usm.my>

Berita Mutakhir

27

FEB

PELAJAR USM BANTU MANGSA KEBAKARAN

10157191 1001322019942801 1338274912813392634 n

GEORGE TOWN, PULAU PINANG, 26 Februari 2016 - Pelajar-pelajar melalui Majlis Perwakilan Pelajar Universiti Sains Malaysia (MPPUSM) bersama Persatuan Kebajikan Sosial Malaysia bersatu hati membuat kutipan membantu mangsa kebakaran di Teluk Kumbar baru-baru ini.

Wakil MPPUSM yang diketuai oleh Haja Mydin Abdul Kuthoos telah menyampaikan sumbangan tersebut kepada ahli keluarga Rosshina Abd Latif, 24, yang telah kehilangan suami dan bayinya yang berusia 3 bulan baru-baru ini dalam suatu kebakaran rumah dan mengalami kerugian yang besar kerana hampir 98% kediamannya musnah dalam kebakaran ini.

Menurut Haja Mydin, pelajar USM perlu membantu masyarakat sebagai tanda keprihatinan terhadap pelbagai isu yang ada terutamanya dalam membantu mereka yang memerlukannya.

6891 1001322179942785 7679201541674216923 n

"Sumbangan ini dihulurkan atas niat untuk membantu meringankan beban keluarga ini dengan harapan usaha kecil ini dapat membantu mereka yang sangat memerlukan," kata Haja Mydin.

Menurutnya, selepas mendapat berita tentang kebakaran yang berlaku, usaha untuk membuat kutipan ini dikongsi melalui laman sosial facebooknya dan kumpulan-kumpulan yang terdapat dalam aplikasi whatsapp yang memberikan bantuan dan sumbangan termasuk barangan dan wang tunai untuk diserahkan kepada mangsa.

Timbalan Naib Canselor (Hal Ehwal Pembangunan Pelajar dan Alumni), Profesor Dato' Dr. Adnan Hussein menyambut baik usaha ini dan mengucapkan syabas kepada usaha para pelajar USM ini.

12744584 1001322066609463 7383917804619087668 n

"Saya bangga dengan keprihatinan dan inisiatif yang ditunjukkan oleh para pelajar USM dalam membantu mangsa kebakaran ini," katanya.

Teks: Hafiz Meah Ghouse Meah / Foto: Haja Mydin Abdul Kuthoos



Share This

Pusat Media dan Perhubungan Awam / Media and Public Relations Centre

Level 1, Building E42, Chancellory II, Universiti Sains Malaysia, 11800 USM, Pulau Pinang Malaysia

Tel : +604-653 3888 | Fax : +604-658 9666 | Email : pro@usm.my (<mailto:pro@usm.my>)

Laman Web Rasmi / Official Website : [Universiti Sains Malaysia \(http://www.usm.my\)](http://www.usm.my)

[Client Feedback / Comments \(http://web.usm.my/smbp/maklumbalas.asp\)](http://web.usm.my/smbp/maklumbalas.asp) | USM News Portal. Hakcipta Terpelihara USM 2015